

鄞縣誌
(光緒)

一三

鄞縣志卷六十一

古蹟一

周

徐偃王宅

縣東隱學山舊名棲直徐偃王隱學於此一云在翁

洲王十朋會稽賦翁洲訪偃王之廬

志成化志

陶朱公釣磯

縣東南四十五里陶公山世傳陶朱公嘗隱於此

有釣磯在焉

古蹟志

明洪性詩霸越平吳此息機蓑衣終日坐魚磯一竿風月高名在千古江山舊事非春雨荒臺苔蘚合夕陽古渡釣船歸探奇欲試登臨興流水無情白鷺飛

案曰周代古蹟世遠難憑以舊志所有姑存之

漢

古鄞城

漢縣廢城在今鄞縣南

太平寰宇記

白杜里有鄞城山

乾道圖經

古蹟一

古蹟一

案曰白杜里鄞城山俱在今奉化縣界後漢書注云鄞故

城在鄞縣東

鄞郭

在鄞縣東三十里卽官奴城也

乾道圖經

先時山麓與海相際

百貨來此貿易以故谷口舊名後塘街有鄞縣城遺址

名勝志

案曰聞志後塘街在縣東同谷山口漢時建鄞縣於谷外海人集貨貿易處謂之後塘街以街在海塘之後也

官奴城

漢光武爲賊所敗有奴在田中耕因藏之獲免後定天

下議賞光武問欲何官奴云欲得鄞縣令後或號鄞縣爲官奴縣

太平寰宇記

宋武帝微時避吏於此與人奴善奴名桂藏匿既久爲吏

所逼逐適值桂在田以土覆之得免後立官奴城以報之掘土築

城之地名官奴池

十道四蕃志

按太平寰宇記以爲光武於史無所據

惟宋書孫恩破上虞時劉裕嘗成句章疑其爲宋武也

乾道圖經

黃公林 在縣西南二十五里四皓黃公隱處卽古之大里也俗

譌爲黃姑林

開志

梅子眞隱居

在大梅山有石洞仙井藥爐丹竈遺跡猶存

寶慶志

明王應鵬詩元始年來漢欲東曾於青史仰高風不知舊日藏修處可在雲峯想像中日擁湖光長激灑雨來山色更朦朧清時久負蒼生願試與漁人乞釣篷

梅墟

縣東三十里相傳梅福挂冠東游於此

周志

梅墟相傳因梅子眞得名說尙可信舊志謂大梅山有巨梅樹孫權伐而爲三一登會稽禹廟之梁嘗與鏡湖龍鬪一擎鄞江它山堰下偃卧稱梅龍一飛亘江之東北成墟故稱梅

墟殊誕

周志

董孝子故宅

縣西南百餘步其宅今爲純德廟舊志謂卽其故

居立廟則黯本鄞人也鄞故鄞地虞翻以爲句章人據其徙居慈

谿言之至國子祭酒陳敬宗記廟之文始表黯爲鄧人云

嘉靖志

任中丞故宅

縣東南橫溪御史中丞奔所居鄧主簿光亦居此

志

張平子宅

四明山連脊起峯中有三峯錨足以立漢張平子居

焉

四明山志

晉

羅城 舊云閩越無諸所築夏侯曾先謂劉牢之築以塞三江之

口今西城外有城基上生篠俗曰篠牆卽故基也

乾道圖經

太白獅子柏

相傳晉義興所植云此柏垂地吾當再來樹老形

似獅故名

敬止錄

在天童寺佛殿下根幹盤拏枝葉猗猗風來振吼

宛肖獅子蓋唐時徙寺在太白峯下所種非晉植也

聞志

明楊明詩古柏蒼翠蟠怪若狻猊狀毛骨真天成凌虛一何壯風來振聲威月到相衡抗白羊與青牛滅影不敢向

育王寺晉松 松高僅丈餘虬枝偃地旁蔭數畝李泰伯詩所謂

晉年松也昔有貴人入寺喜問舍利何在僧笑指松曰此處卽有

已而松枝皆放光故人稱爲放光松云

育王寺志

國朝道光中有二小兒自松下出時遊佛殿上迹之則逸寺僧某

妄人也乘夜私掘之而傷其根松遂枯矣

採訪

國朝全祖望詩五馬浮渡江一馬化爲龍遺鱗夜墮浙河東遂成
阿育王山之古松風餐雪酷一于七百載取精醞靈良已濃忽
然寒芒發古幹猶疑典午却火青熊熊桃源桃不見栗里栗已
空蘭亭之蘭成荒叢誰似此松長蔥蔥何人附會梵力雄謂是
劉郎舍利著芳蹤應笑劉郎故物播遷如轉蓬而今贗鼎祇合
謾村童歸然老松乃神物豈關八萬四千塔影所照融梨州老
人誇智果倘校資格那得同諸君且和我叉手松下哦長風入
以未竟驚濤出松花散落光蔚蔚想爲詩人濯渴筆我詩便與
老松雙

突兀

李逢辰育王寺盤松歌阿育王神仙飽烟霧凝精突作青松樹
古幹排空聳天柱霜枝鬬舞虬龍勢屈鐵交柯結不開炎蒸六
月凝莓苔百折千盤人莫測當年枝節誰差排陰森疑是神靈
府日落蒼茫接雷雨山魃齟齬舌不敢啼於菟涕血如飢鼠松根

系云

古蹟一

三

直隸

卷之二

丹髓吐玉精夜來剛得千年苓吾
欲服之生羽翼手挾盧敖游太清
陳銘海詩昔我遊育王嘗憩茲松下偃蹇如卧龍摩挲不忍舍
欲枕憶舊遊支離恍遇迢迢州里間何時再命駕典午久消
沈不隨世運化蘭亭成荒叢桃源亦淪謝惟茲千年松神物長
憑藉古幹光熊寒芒燭午夜長風天半來怒吼或較資格智
語了東遊人其驚詫赤日麗中天到此忘炎夏倘或較資格智
果非其亞試讀謝山詩品題無虛假欲共素心人倚松結芳榭

齊

嵯亭

自剡至此溪灘磧高險人行往來皆於此裝束齊僕射張

稷曾生子於此乃各嵯

太平寰宇記

案曰寰宇記繫此亭於鄞縣下核其地當在奉化姑依記

收之稷歿於梁而為剡縣令在齊時則嵯亭自是齊古蹟

惟寰宇記原作睡亭乃刻誤耳稷及子嵯梁書並有傳

靜水洞

謝眺讀書處丹山圖詠云大雷山前靜水洞謝眺曾居

茲讀誦史傳無文不知何所據也

四明山志

全祖望詩諸謝遊蹤遍浙東釣磯琴屋不可數大雷靜水尤清
奇云是元暉讀書處晴嵐夾道瀉瀑流故應釀出驚人句想見
搔首問天時瑤草仙葩助思趣諸謝詩格各入神元暉俊逸尤
獨具唐風亦自元暉開青蓮低首拜白紵始安幕下訪晚遇王
折蘭摧東市去何
如老向此山住

梁

陶隱居戒室

在育王山陶宏景訪塔時受五戒於此

本句餘土音

隋

古句章城

在縣南六十里

乾道圖經

漢遣橫海將軍韓說出句章道

征東粵王卽此

輿地紀勝

隋時廢鄞鄮二縣兼餘姚之地而統爲一句

章縣建治在今縣南小溪它山之左此隋之句章城也若漢之句

章則在今慈谿縣城山渡之東名同而時與地則異

聞志

明王嗣爽小谿鎮古城舊蹟詩幽尋步鹿溪依稀見城郭涼蟾
墮寒流清輝宛如昨萬仁美詩雉堞沈荒徑江村鎖白雲數
問句章事猶有葛天聞周元孚詩邑名最古是句章
迹在桃源舊有鄉不羨武陵溪洞隱依然雞犬與耕桑

下系示

卷七上 古蹟一

四

國朝陸經正詩山色環臨高下田野翁猶記築

城年憑君休話滄桑事且看雲生聽澗泉

唐

明州治在明甯波衛治所

浙江通志

鄞縣治唐長慶間移州城置鄞縣於開明橋北

成化志

案曰長慶移州於鄞治鄞縣即移州治並非倚郭成化嘉靖間曹各志俱誤語詳沿革考開明橋北之縣署當自五代始今仍舊志原文而附辨之

三江亭

唐末明州刺史黃公晟用磚石甃城乃於東城門之左

置三江亭以遊眺

南山家傳集

案曰四明談助謂三江亭有二一在江東宋潘集英長貴所建也此亭在東門之北城上遺址尙在爲黃刺史所築然明州舊有江亭見於黎岳集者猶在刺史以前特其址

無可考耳

唐李頻明州江亭夜別段秀才詩離亭向水開時候復蒸梅霽
靈燈燭滅兼葭風雨來京關雖共語海嶠不同迴莫爲尊鱸美
天涯滯

爾才

明黃潤玉江亭風月詩暇日登臨一洗塵三江亭上會嘉賓風
來渡口襟懷爽月印波心景象新筆翰縱橫知興逸杯盤狼藉
狂情真謫仙去後坡仙
出斗酒篇詩屬後人

賀祕監故宅

今鄞縣句章鄉小溪之馬湖有洗馬池世傳以爲

賀祕監故宅相距三里曰賀家灣其地賀姓甚多嘗掘土得碑石

其可識者有曰會稽郡賀與府君六字而已耆老謂賀監始居於

此後徙剡川

寶慶志

明周應辰過小溪鮑彥升宅是賀祕監所生處詩來尋鮑子宅
也卜賀公鄰老樹如迎客兒童慣引人窗鳴小溪雨甕滿鏡湖
春舊社叨文會
山房思更新

賀祕監書樓

在響巖

楊德周詩序

卷之三

古蹟一

五

明楊德周賀祕監書樓詩每苔帶雨蝕豐碑狂客簪懷逐水移
千載高風流不盡夕陽潭影對鸕鷀周元孚詩謫仙狂客兩
相親書舍名山共未湮此去廬
峯幾千里卻來鑑曲便棲神

賀祕監釣臺

在響巖高尙澤

鮎埼亭外集

全祖望記略唐賀祕監之故居在吾鄞城南馬湖故其地曰賀
家灣有池曰洗馬以祕書族祖德仁故也去馬湖不數里爲響
巖祕書之別墅其澤曰高尙蓋取明皇御賜詩句澤之上不祕
書釣臺焉城南之山水皆屬東四明一帶所磅礴無不奇者至
響巖益清越蕙江九曲澄碧無際瀕江石壁橫厲如屏風水北
作聲水南應之嘹亮如石鐘而寥天淡蕩時見空中色相如物
影巖下有洞槎頭鮎之所聚漁人終歲取之不竭始文選所云
丙穴者也江東產鮎之富莫過於浦陽顧其風味遠遜是間數
倍巖上簷當數萬蔽天拂日長有雲氣護之又有鸕鷀千羣往
來沮中而北巖則有頻伽飛鳴其間此釣臺之大概也當日祕
書御風仙履朝遊剡曲暮宿石梁浙東洞天都歸嘯傲是臺特
遊息之一區耳而其勝絕如此環臺左右而居者爲葛氏吾友
異亭之祖宅也因語翼亭令收復其故址臺下別爲祠三間祀
祕書子將棄人間事來作祠下史看山看竹日哦詩佛影中飢
則啖青鱖以爲糧
雖萬戶侯不易也
董謙訪高尙澤古址詩先生歸去來到今已千載林泉高尙
蕭然絕人外古樹交枝柯屏山作圖畫下有溪流聲悠悠送天

賴游魚靜不驚
羣流急趨下誰能知勇退西望嚴子陵
獨坐客星瀨

孫沅宅 在句章

劉文房集

唐劉長卿送睦州孫沅歸句章新營所居詩故里歸成客新家
去未安詩書滿蝸舍征稅及漁竿火種山田薄星居海島寒憐
君不得已步步別離難

棠陰亭 縣南二里唐大中初刺史李敬方有請於朝復開元寺

乃卽國甯寺舊址建焉寺西南高原有棠陰亭郡守殷僧辯廢亭

以其材增建千佛殿

寶慶志

君子營 唐末明州刺史黃晟興學好士江東儒學之士多依之

辟前進士陳晁等嘉其清介加以優待爲築居於城東隅謂之措

大營卽今君子營

九國志

黃刺史宅 縣東南二十五里鄞塘鄉刺史黃晟家於茲及卒民

祠之今其地有攸飛廟

嘉靖志

黃刺史別墅

在縣南句章鄉唐刺史黃晟營墅於茲後其田盡

施比邱今之雪竇莊是也

楊文懿公集

案曰乾道圖經鄞塘鄉在縣南二十五里句章鄉在縣南

六十里則刺史之宅與別墅不得合爲一矣

競渡湖

卽開元寺西之小湖也昔有鍾黃二公競渡於此故後

人以名其處亦呼爲小江里又曰沿江里也

寶慶志

蛟池

在州之北故老云嘗有蛟自江來窟於此人患之故其傍

立欽飛廟以鎮之池今爲居民所侵堙塞無幾矣

乾道圖經

蜃池

在縣西北一里久湮塞

成化志

或云蛟池卽蜃池

嘉靖志

謝隱士山居

縣西南六十里四明山之南雷今大雷峰隱士名

遺塵嘗至吳中友人陸龜蒙皮日休各爲賦四明九題

嘉靖志

明沈明臣望南雷懷謝居士遺塵詩居士青雲人元風邈難嗣
白日空山高令人起遐思春花吹野桃開落知何自流泉日夜

流石壁挂不住深樾有啼猿斯人
邈何處高吟皮陸詩風吹向天際

大梅山石庫 相傳神仙置藥之所一日常禪師夢神告曰石庫

中有聖書受之者爲地下主不然亦爲帝王師師於夢中答曰昔
僧稠不顧仙經其卷自亡吾以涅槃爲樂厥壽何啻與天偕老耶
神曰此地靈府俗人居此立致變怪師曰吾寓跡梅尉之鄉耳非
久據也

敬止錄

宋

子城 周回四百二十丈環以水麗譙揭奉國軍之額太守潘良
貴書州樓揭明州之額舊錢氏書今潘良貴書州治以奉化縣之
金峩山爲外案山而以城中之鎮明嶺爲內案山後坐慈溪縣之
驃騎山山以張驃騎而得名蓋後漢時人也

乾道圖經

唐長慶元年刺

史韓察所築歲久民居跨濠造浮棚直抵城址不惟塞水道礙舟

楫有緩急亦無路可以運水邦人病之淳祐癸卯春制守陳塏給錢酒付造棚人聽自除拆環城遂有路可通立子城東水衙坊牌一子城西城街坊牌二重修子城限隔內外寶慶志

奉國軍門 卽子城門也慶元間守鄭興裔建嘉定間攝守程覃

重修嘉熙三年又圯於風守趙以夫重建鄭清之記寶慶志

奉國軍樓 樓中有刻漏慶歷八年守王周重修是時王安石爲

鄧宰嘗銘之歲久差舛不可信紹興辛巳守韓仲通訪得吳人祝

岷考古制冶銅爲蓮漏有記刻於石簽判許克昌文也乾道圖經

王安石新刻漏銘戊子王公始治於明丁亥孟冬刻漏具成追謂屬人嗟汝子銘自古在昔挈壺有職匪器則弊人亡政息其政謂何弗棘弗遲君子小人興息維時東方未明自公召之彼甯不勤得罪於時厥荒懈廢乃政之疵嗚呼有州謹哉惟茲茲惟其中俾我後思

宋奉國軍樓有刻漏嘉靖志載紹興間守韓通改鑄蓮花漏

鄞令王安石作銘安石與仲通先後相去一百一十五載又

以仲通爲韓通錯誤殊甚

聞志

宣詔亭

奉國門外之左亭之右又有曉示亭

寶慶志

頌春亭

奉國門外之右亭之左又有曉示亭二亭皆寶慶二年

守胡榘重修

寶慶志

子城東門

奉國門內常平倉之後寶慶二年守胡榘重建

寶慶志

子城西門

奉國門內苗米倉之後

寶慶志

慶元府治

在明甯波衛治所

浙江通志

慶元府門樓

直奉國門之後舊揭明州之額守潘良貴書州陞

慶元府守何澹書額嘗因火投烈燄以厭之今額丞相史魯公書

守趙師岳所立也嘉熙二年爲風所圯守趙以夫重建鄭丞相作

奉國軍門記併述

寶慶志

寶祐五年大使吳潛重書府額

開慶志